



ა(ა)იპ - ახალციხის სახელმწიფო სასწავლო უნივერსიტეტისა და
„საერთაშორისო განათლების ცენტრს“ შორის
ურთიერთთანამშრომლობის



მ ე მ ო რ ა ნ დ უ მ ი

ქ. ახალციხე

19 მარტი 2012 წ.

ერთის მხრივ, ა(ა)იპ - ახალციხის სახელმწიფო სასწავლო უნივერსიტეტი (შემდგომში „უნივერსიტეტი“) წარმოდგენილი მისი რექტორის, სრული პროფესორის თინა გელაშვილის სახით და მეორეს მხრივ, ფონდი „საერთაშორისო განათლების ცენტრი“ (შემდგომში „ფონდი“) წარმოდგენილი მისი აღმასრულებელი დირექტორის, ნინო ჩინჩალაძის სახით, დებენ წინამდებარე მემორანდუმს შემდეგზე:

1. მემორანდუმის მიზანია:

- უნივერსიტეტსა და ფონდს შორის მჭიდრო ურთიერთობების ჩამოყალიბება საგანმანათლებლო სფეროში;
- სტუდენტთა პროფესიული განვითარების და კვალიფიკაციის ამაღლების ხელშეწყობა უცხოეთის წამყვან საგანმანათლებლო დაწესებულებებთან მჭიდრო ურთიერთობების დამყარების გზით;
- უნივერსიტეტის ჩართვა ადგილობრივ და საერთაშორისო საგანმანათლებლო პროექტებში.

2. მემორანდუმის მიზნის განსახორციელებლად მხარეები იღებენ ვალდებულებას შემდეგზე:

a) ფონდი უფლება-მოვალეობები:

- ფონდის საქმიანობა ხელს შეუწყობს ახალციხის სახელმწიფო სასწავლო უნივერსიტეტის სასწავლო მიზნებს.
- სამუშაო დღეების განმავლობაში უნივერსიტეტის პროფესორ-მასწავლებლებისათვის და სტუდენტებისათვის შესაბამისი მომსახურეობის გაწევა (ჯგუფური და ინდივიდუალური კონსულტაციები, საინფორმაციო და თემატური სესიები, პრეზენტაციები მის მიერ ადმინისტრირებული სასწავლო პროგრამების, სტიპენდიებისა და გრანტების შესახებ, საზღვარგარეთ სწავლისა და სტაჟირების გავლისათვის საჭირო კვალიფიცირებული კონსულტაციები).
- მომსახურება ცენტრის ბიბლიოთეკით;
- მხარეთა ერთობლივი ღონისძიებების ორგანიზება;

- უცხოეთის უნივერსიტეტებთან კონტაქტის დამყარება და უცხოელი პროფესორ-მასწავლებლების მოწვევის ორგანიზება ლექცია-სემინარების გამართვის მიზნით;
- სხვადასხვა საგანმანათლებლო პროექტებში უნივერსიტეტის სტუდენტთა და პროფესორ-მასწავლებელთა ჩართვა.

ბ) უნივერსიტეტის უფლება-მოვალეობები:

- უნივერსიტეტი მემორანდუმის მიზნის ფარგლებში ფონდს უზრუნველყოფს საჭირო პირობებით;
- უნივერსიტეტი ფონდის თანამშრომლებს უზრუნველყოფს უნივერსიტეტის სამეცნიერო ბიბლიოთეკით (ბიბლიოთეკით სარგებლობის წესის ფარგლებში);
- უნივერსიტეტი უზრუნველყოფს მხარეთა ერთობლივი ღონისძიებების ორგანიზებას.
- უნივერსიტეტი მემორანდუმის მიზნის განსახორციელებლად ფონდს უზრუნველყოფს სამუშაო ადგილით და პირობებით.

3. მემორანდუმის ფარგლებში ურთიერთანამშრომლობის კონკრეტული მიმართულებები და პირობები განისაზღვრება მემორანდუმის საფუძველზე გაფორმებული ხელშეკრულებებით.

4. მემორანდუმი ძალაში შედის ხელმოწერის დღიდან და მოქმედებს მხარეთა მიერ სხვა გადაწყვეტილების მიღებამდე.

5. მემორანდუმის მოქმედების ვადამდე შეწყვეტა შესაძლებელია ერთ-ერთი მხარის მიერ, წინასწარი წერილობითი შეტყობინებით. ინიციატორმა მხარემ მემორანდუმის მოქმედების ვადამდე შეწყვეტის შესახებ მეორე მხარეს უნდა აცნობის ერთი თვით ადრე.

6. მემორანდუმში ცვლილებებისა და დამატებების შეტანა შესაძლებელია მხარეთა წერილობითი შეთანხმებით.

7. მემორანდუმი შედგენილია თანაბარი იურიდიული ძალის მქონე 2 (ორი) ეგზემპლიარად და ინახება მხარეებთან.

ა(ა)იპ – ახალციხის სახელმწიფო სასწავლო

უნივერსიტეტი

რექტორი:

თინა გელაშვილი

ფონდი „საერთაშორისო განათლების

ცენტრი“

აღმასრულებელი დირექტორი:

ნინო ჩინჩალაძე

б. ლ. გ.

